

Bwrdd Cyfarwyddwyr y Coleg Cymraeg Cenedlaethol

Dydd Mercher, 20 Mawrth 2019

9.30 - 12.45

Prifysgol Bangor

Yn bresennol:

Cyfarwyddwyr:

Dr Haydn E Edwards
Nia Elias
Yr Athro Jerry Hunter
Gwilym Dyfri Jones
Dr Hefin Jones
Pedr ap Llwyd
Dr Rhodri Llwyd Morgan
Gareth Pierce
Llinos Roberts
Angharad Lloyd Williams
Ieuan Wyn

Sylwedyddion:

Gethin Morgan (UCMC/NUS Wales)
Dr Cliona O'Neill, Cyngor Cyllido Addysg Uwch Cymru (CCAUC/HEFCW)
Gwyneth Sweatman (UCMC/NUS Wales)

Swyddogion:

Dr Ioan Matthews, Prif Weithredwr
Dr Dylan Phillips, Uwch Reolwr Academaidd
Dr Dafydd Trystan, Cofrestrydd
Nia Brown, Swyddog Datblygu: Ysgrifenyddiaeth

Ymddiheuriadau:

William Callaway
Yr Athro Hywel Thomas
Catherine Rees, Ysgrifennydd

Eitem	Prif bwyntiau trafod	Pwyntiau gweithredu	Cyfnod amser
1. Croeso a chyflwyniad	<p>1.1 Estynnwyd croeso i'r aelodau ac yn arbennig i Angharad Lloyd Williams fel aelod newydd o'r Bwrdd.</p> <p>1.2 Derbyniwyd ymddiheuriadau i'w cynnwys yn y cofnodion.</p>		
2. Datganiadau o ddiddordeb	<p>2.1 Atgoffwyd yr aelodau o'r drefn lle gofynnir i aelodau nodi ar y daflen arwyddo presenoldeb unrhyw ddatganiadau o ddiddordeb ychwanegol at y rheiny a nodwyd eisoes yn y Gofrestr Buddiannau.</p> <p>2.2 Datganodd y Cadeirydd ei fod yn Gadeirydd Fforwm Iaith Ynys Môn a'i fod wedi ymddiswyddo fel cadeirydd Bwrdd Ymgynghorol y Ganolfan Dysgu Cymraeg Cenedlaethol.</p>		
<p>3. Derbyn ac ystyried cofnodion cyfarfod 28 Tachwedd 2018</p> <p>(Eitem 3)</p>	<p>3.1 Derbyniwyd y cofnodion fel cofnod cywir o'r cyfarfod a gynhaliwyd ar 28 Tachwedd 2018.</p> <p>Materion yn codi</p> <p>3.2 Adroddwyd bod y pwyntiau gweithredu a nodwyd yn y cofnodion naill ai wedi'u cwblhau neu fod yr eitem yn ymddangos ar yr agenda.</p> <p>3.3 <u>Eitem 10.5 – Colegau Cymru</u></p> <p>Adroddwyd bod y Coleg bellach yn aelod cysylltiol o Golegau Cymru.</p>		
4. Derbyn ac ystyried cofnodion cyfarfod caeëdig 28 Tachwedd 2018	4.1 Derbyniwyd y cofnodion fel cofnod cywir o'r cyfarfod caeëdig a gynhaliwyd ar 28 Tachwedd 2018.		

(Eitem 5)	4.2 <u>Eitem 3.5 – Buddsoddiadau</u> Adroddwyd y cyflwynir fersiwn terfynol o'r Polisi Buddsoddiadau i'r Bwrdd ar 25 Mehefin 2019.	Polisi Buddsoddiadau i'r Bwrdd	25 Mehefin 2019
5. Pwyllgor Archwilio a Risg (Eitem 7a) (Eitem 7bii)	Pwyllgor Archwilio a Risg 5.1 Nodwyd a derbyniwyd cofnodion cyfarfod y Pwyllgor Archwilio a Risg a gynhaliwyd ar 22 Chwefror 2019. 5.2 Cyflwynwyd crynodeb o'r prif bwyntiau yn codi o gyfarfod 22 Chwefror 2019, gan y Cofrestrydd. Penodi Archwilwyr Mewnol y Coleg 5.3 Cymeradwywyd argymhelliad y Pwyllgor Archwilio a Risg i benodi cwmni TIAA fel Archwilwyr Mewnol y Coleg am gyfnod o dair blynedd o 1 Ebrill 2019 tan 31 Mawrth 2022. Y Gofrestr Risg 5.4 Derbyniwyd adroddiad ar y diwygiadau i'r Gofrestr Risgers y cyfarfod diwethaf gan y Cofrestrydd. Trafodwyd y risgiau a'r prif heriau sy'n wynebu'r Coleg. Trafodwyd cydberthynas risgiau 2 (darpariaeth Cymraeg yn AU) a 5 (risgiau allanol i'r sector). Adroddwyd bod y Coleg yn trefnu cyfarfodydd cynllunio lefel uchel gyda'r sefydliadau addysg uwch yn flynyddol i drafod y materion hyn ac y bydd adroddiad yn cael ei gyflwyno i gyfarfod nesaf y Bwrdd. 5.5 Mewn perthynas â risg 3 (Ehangu rôl y Coleg i addysg ôl-16) cadarnhawyd na fyddai cyllideb Addysg Uwch yn cael ei ddargyfeirio. Nododd y Prif Weithredwr bod argymhelliad Adroddiad Diamond yn glir ynghylch yr angen i neilltuo o leiaf £5.4m drwy'r Coleg ar gyfer	Adroddiad blynyddol y cyfarfodydd cynllunio i'r Bwrdd (DP)	25 Mehefin 2019

<p>(Eitem 7biii)</p>	<p>Addysg Uwch. Mewn perthynas â Risg 1 (niferoedd myfyrwyr) crybwyllwyd cynlluniau addysg Gymraeg yr awdurdodau lleol a chytunwyd i ystyried hyn ymhellach.</p> <p>5.6 Yn dilyn y drafodaeth derbyniwyd y Gofrestr Risg gyda'r addasiadau a argymhellwyd.</p> <p>Polisi cronfeydd wrth gefn</p> <p>5.7 Nodwyd polisi cronfeydd wrth gefn y Coleg.</p>		
<p>6. Pwyllgor Cyllid a Dibenion Cyffredinol</p> <p>(Eitem 8a)</p> <p>(Eitem 8b)</p>	<p>Cofnodion Pwyllgor Cyllid a Dibenion Cyffredinol</p> <p>6.1 Nodwyd a derbyniwyd cofnodion cyfarfod y Pwyllgor Cyllid a Dibenion Cyffredinol a gynhaliwyd ar 16 Ionawr 2019.</p> <p>6.2 Cafwyd crynodeb o brif bwyntiau cyfarfod 16 Ionawr 2019, gan y Cadeirydd:</p> <ul style="list-style-type: none"> • Nododd bod polisiau'r Coleg o safon uchel • Nododd y bydd adolygu a monitro buddsoddiadau'r Coleg yn symud dan ofal y Pwyllgor Cyllid a Dibenion Cyffredinol (o'r Pwyllgor Archwilio a Risg) maes o law <p>Cyllideb 2019/20</p> <p>6.3 Cyflwynwyd Cyllideb y Coleg ar gyfer 2019/20 gan Dr Dylan Phillips.</p> <p>6.4 Yn ystod y drafodaeth nodwyd:</p> <ul style="list-style-type: none"> • bod y Coleg yn hyrwyddo addysg cyfrwng Cymraeg i ddisgyblion blwyddyn 9 erbyn hyn • bod Ysgoloriaethau Ymchwil yn parhau'n allweddol i ddatblygu a chynnal niferoedd darlithwyr yn y dyfodol 		

	<ul style="list-style-type: none"> • ymateb positif gan fyfyrwyr i bresenoldeb y Coleg ar gyfryngau cymdeithasol gan gynnwys anelu negeseuon trydar fesul pwnc • awgrymiadau ar gyfer ymestyn proffil y Coleg <p>6.5 Yn dilyn trafodaeth lawn cymeradwywyd y gyllideb.</p>		
7. Pwyllgor Penodiadau a Safonau Llywodraethiant	<p><i>Ar y pwynt hwn ymadawodd Gwilym Dyfri Jones yr ystafell.</i></p> <p>Ail-benodi Cyfarwyddwr</p> <p>7.1 Argymhellwyd a chymeradwywyd ail-benodi Gwilym Dyfri Jones am ail dymor o bedair blynedd o 12 Mai 2019 – 11 Mai 2023.</p> <p><i>Ar y pwynt hwn dychwelodd Gwilym Dyfri Jones i'r ystafell.</i></p>		
8. Bwrdd Academaidd (Eitem 10)	<p>8.1 Nodwyd a derbyniwyd cofnodion cyfarfod y Bwrdd Academaidd a gynhaliwyd ar 6 Chwefror 2019.</p> <p>8.2 Cafwyd crynodeb o brif bwyntiau cyfarfod 6 Chwefror 2019, gan y Deon, Dr Hefin Jones.</p> <p>Papur y myfyrwyr</p> <p>8.3 Adroddwyd bod cynrychiolwyr y myfyrwyr wedi cyflwyno papur ar sefydlu Llywydd etholedig cenedlaethol a nodwyd y trafodaethau arfaethedig. Adroddodd Gwyneth Sweatman ar safbwynt cefnogol Undeb Cenedlaethol y Myfyrwyr a'i pholisi dwyieithog.</p> <p>Adolygu cynlluniau pynciol</p> <p>8.4 Adroddwyd bod proses adolygu cynlluniau pynciol wedi'i gadarnhau yn y cyfarfod.</p> <p>Fframwaith Rhagoriaeth Ymchwil</p>		

	<p>8.5 Adroddodd yr Athro Jerry Hunter, Cadeirydd y Pwyllgor Ymchwil a Chyhoeddi, ar ddyletswydd y sefydliadau i godi ymwybyddiaeth bod modd cyflwyno ymchwil drwy gyfrwng y Gymraeg i'r Fframwaith Rhagoriaeth Ymchwil (REF). Ategwyd hyn gan Dr Cliona O'Neill.</p> <p>Gwerddon</p> <p>8.6 Adroddwyd bod <i>Gwerddon</i> wedi cyhoeddi ei 100fed erthygl.</p> <p>Presenoldeb</p> <p>8.7 Adroddwyd rhywfaint o gonsyrn am bresenoldeb rhai aelodau mewn cyfarfodydd diweddar o'r Bwrdd Academaidd. Nododd y Prif Weithredwr y disgwylir i'r canghennau anfon cynrychiolydd i bob cyfarfod ac y byddai aelodaeth y Bwrdd Academaidd yn cael ei adolygu.</p> <p>8.8 Mewn ymateb i gwestiwn, adroddwyd y bwriad i greu fforwm addas ar wahân i'r Bwrdd Academaidd ar gyfer trafodaethau addysg bellach ond nad oedd y modelau posibl wedi eu hystyried yn llawn hyd yma.</p> <p>Taith flynyddol y Deon</p> <p>8.9 Adroddodd y Deon ar ei daith flynyddol â'r sefydliadau Addysg Uwch ac Addysg Bellach. Nododd y gofid mewn rhai meysydd, a'r gwyddorau yn benodol, bod cynifer o fyfyrwyr yn dewis peidio astudio trwy gyfrwng y Gymraeg.</p> <p>Myfyrwyr y tu hwnt i'r ffin</p> <p>8.10 Adroddwyd yn fyr ar drafodaethau cychwynnol i gynnal cyswllt gyda myfyrwyr sy'n astudio tu hwnt i Gymru.</p>		
--	--	--	--

<p>9. Materion Cyfansoddiadol</p>	<p>Cyfarfod Cyffredinol Blynyddol, 19 Mawrth 2019</p> <p>9.1 Adroddwyd ar Gyfarfod Cyffredinol Blynyddol y Coleg (y Llys) a gyfarfu'r diwrnod blaenorol.</p> <p>Ymestyn aelodaeth y Llys</p> <p>9.2 Adroddwyd y byddai papur yn cael ei gyflwyno i gyfarfod nesaf y Bwrdd yn argymhell ymestyn aelodaeth y Llys i adlewyrchu cyfrifoldebau'r Coleg yn y sector ôl-16.</p> <p>9.3 Cyflwynir cynnig i'r Bwrdd Cyfarwyddwyr nesaf.</p>	<p>Papur i'r Bwrdd</p>	<p>25 Mehefin 2019</p>
<p>10. Materion y Cadeirydd</p>	<p>Diolchiadau a llongyfarchiadau</p> <p>10.1 Diolchodd y Cadeirydd yr Athro Iwan Davies am gadeirio cyfarfod fis Tachwedd yn ei absenoldeb. Diolchwyd iddo'n ogystal am ei arweiniad cyfreithiol doeth ac ystyrlon yn ystod ei gyfnod ar y Bwrdd.</p> <p>10.2 Nodwyd mai dyma oedd cyfarfod olaf Ieuan Wyn fel aelod o'r Bwrdd. Diolchwyd iddo am ei gyfraniad a'i weledigaeth gref ar hyd ei wasanaeth ar y Bwrdd.</p> <p>10.3 Estynnwyd llongyfarchiadau i Pedr ap Llwyd ar ei benodiad fel Prif Weithredwr a Llyfrgellydd Llyfrgell Genedlaethol Cymru.</p> <p>Cadeirydd y Pwyllgor Cyllid a Dibenion Cyffredinol</p> <p>10.4 Cadarnhawyd yr argymhelliad bod Pedr ap Llwyd yn cadeirio'r Pwyllgor Cyllid a Dibenion Cyffredinol.</p> <p>Pwyllgor Archwilio a Risg</p>		

	<p>10.5 Adroddodd y bu Gareth Pierce yn aelod annibynnol o'r Pwyllgor Archwilio a Risg ond ei fod bellach yn aelod yn cynrychioli'r Bwrdd Cyfarwyddwyr.</p> <p>Cadeirydd y Pwyllgor Penodiadau a Safonau Llywodraethiant</p> <p>10.6 Adroddodd y bydd cyfnod Meirion Prys Jones fel cadeirydd y Pwyllgor Penodiadau a Safonau Llywodraethant yn dod i ben fis Gorffennaf 2019. Gofynnwyd i'r aelodau gyflwyno enwebiadau erbyn diwedd Mawrth a bydd yr Ysgrifennydd yn cyflwyno enw yng nghyfarfod nesaf y Bwrdd.</p> <p>Is-Gadeirydd y Bwrdd Cyfarwyddwyr</p> <p>10.7 Gofynnwyd i'r aelodau gyflwyno enwebiadau erbyn diwedd Mawrth ar gyfer rôl Is-Gadeirydd y Bwrdd Cyfarwyddwyr. Gwneir y penodiad yng nghyfarfod nesaf y Bwrdd.</p> <p>10.8 Trafodwyd pwysigrwydd cydraddoldeb rhywedd wrth benodi aelodau.</p> <p>Lleoliad cyfarfodydd</p> <p>10.9 Trafodwyd rhinweddau cynnal cyfarfodydd wyneb yn wyneb a thros y fideo gynadledda. Cytunwyd y dylid parhau i gynnal y Bwrdd Cyfarwyddwyr a'r Bwrdd Academaidd wyneb yn wyneb a'r pwyllgorau eraill dros y rhwydwaith fideo.</p> <p>Holiadur arfarnu'r Bwrdd Cyfarwyddwyr</p> <p>10.10 Adroddodd y bydd yr Ysgrifennydd yn cylchredeg holiadur arfarnu'r Bwrdd i'w gwblhau fis Ebrill. Bydd</p>	<p>Cyflwyno enw i'r Bwrdd</p> <p>Penodi Is-Gadeirydd y Bwrdd</p> <p>Cylchredeg holiadur arfarnu'r Bwrdd</p>	<p>25 Mehefin 2019</p> <p>25 Mehefin 2019</p> <p>Ebrill 2019</p>
--	---	---	--

	<p>adroddiad ar yr ymatebion yn cael ei gyflwyno i'r Pwyllgor Penodiadau a Safonau Llywodraethiant.</p> <p>Arfarnu perfformiad y Prif Weithredwr</p> <p>10.11 Adroddodd bod system arfarnu perfformiad y Prif Weithredwr wedi ei gytuno a bod un cylch blynyddol wedi ei gwblhau. Diolchwyd i'r Athro Hywel Thomas am ei ran yn yr arfarniad.</p> <p>Lansiad Ôl-16</p> <p>10.12 Adroddodd ar lansiad ôl-16 yng Ngholeg Caerdydd a'r Fro ar 24 Ionawr 2019. Diolchodd i aelodau'r Bwrdd a oedd yn bresennol.</p>		
<p>11. Adroddiad y Prif Weithredwr (Eitem 13)</p>	<p>11.1 Derbyniwyd crynodeb llafar gan y Prif Weithredwr o'r adroddiad ysgrifenedig ar weithgareddau diweddar a oedd wedi ei gylchredeg o flaen llaw.</p> <p>Addysg Uwch – trefniadau monitro</p> <p>11.2 Adroddwyd bod CCAUC yn cynghori sefydliadau i ymgynghori â'r Coleg ynghylch mesuryddion cyfrwng Cymraeg i'w cynnwys yn y cynlluniau ffioedd a mynediad. Mae Llywodraeth Cymru wedi cytuno i'r argymhelliad yn yr Adroddiad Data a gyflwynwyd gan y Coleg ym mis Medi 2018 y bydd y targedau Cenedlaethol yn adlewyrchu mesuryddion y cynlluniau ffioedd o 2019/20 ymlaen. Trafodwyd pwysigrwydd gosod targedau ystyrion sydd yn adlewyrchu niferoedd y siaradwyr Cymraeg mewn prifysgolion a'r canran y gellid yn rhesymol ddisgwyl iddynt astudio drwy gyfrwng y Gymraeg.</p> <p>Hyfforddiant Cychwynol Athrawon</p>		

	<p>11.3 Adroddwyd bod trafodaethau yn parhau ynghylch rôl y Coleg mewn perthynas â Hyfforddiant Cychwynnol Athrawon. Nodwyd nad oes cyllid yn y Llythyr Grant i gyllido unrhyw weithgareddau yn y cyswllt hwn wedi i'r Dystysgrif Cymhwysedd Athrawon presennol ddod i ben ond bod cyfarfod gyda swyddogion Llywodraeth Cymru ar ddechrau Ebrill i drafod y mater ymhellach.</p> <p>11.4 Cododd aelodau o'r Bwrdd fater perthynol sef y niferoedd isel sydd yn dilyn cyrsiau HCA drwy gyfrwng y Gymraeg a bod goblygiadau difrifol i hyn yn y tymor canolig o ran cynllunio gweithlu ac ymateb i dargedau Strategaeth Iaith Llywodraeth Cymru. Nodwyd hefyd nad oedd hyfforddeion sydd yn cymhwyso tu allan i Gymru yn derbyn hyfforddiant ar y cwricwlwm newydd sydd yn cael ei gyflwyno yng Nghymru.</p> <p>Addysg Bellach</p> <p>11.5 Derbyniwyd adroddiad ysgrifenedig llawn ar y sefyllfa gyfredol gan nodi y bydd hyn yn destun cyflwyniad yng nghyfarfod nesaf y Bwrdd.</p> <p>Cyfarfodydd</p> <p>11.6 Adroddwyd ar gyfarfodydd strategol gyda Phrif Weithredwyr nifer o gyrff eraill gan gynnwys Cymwysterau Cymru, y Cyngor Gweithlu Addysg, CBAC a'r Ganolfan Dysgu Cymraeg Genedlaethol. Nododd y Prif Weithredwr ei fod hefyd wedi cynnal cyfarfod diweddar gyda Darpar Gomisiynydd y Gymraeg.</p> <p>Diweddariadau cyffredinol ar waith y Coleg</p>	<p>Cyflwyniad Addysg Bellach yn y Bwrdd</p>	<p>25 Mehefin 2019</p>
--	---	---	------------------------

	11.7 Derbyniwyd adroddiadau ysgrifenedig mewn perthynas â Marchnata a Chyfathrebu; Hyfforddiant Academaidd a Datblygu Staff; <i>Gwerddon</i> a phrosiectau cyhoeddi eraill; Cynllun Darlithwyr Cysylltiol; Hyrwyddo'r Gymraeg fel pwnc; Cynllun Cymraeg Gwaith; a Gwasanaethau Gwybodaeth er gwybodaeth.		
12. Llythyr Grant Llywodraeth Cymru	12.1 Derbyniwyd a nodwyd Llythyr Grant Llywodraeth Cymru at y Coleg 2019/20 a gylchredwyd ar wahân i aelodau'r Bwrdd Cyfarwyddwyr.		
13. Cynllun Strategol	13.1 Rhoddwyd cyflwyniad ar Gynllun Strategol y Coleg rhwng 2019/20 a 2023/24 gan y Prif Weithredwr. 13.2 Trafodwyd camau cyntaf paratoi Cynllun Strategol. Cytunwyd ar drefnu cyfarfod arbennig i wyntyllu cynnwys y cynllun cyn cyflwyno drafft i'r Bwrdd Cyfarwyddwyr ar 25 Mehefin 2019. Disgwylir y bydd ymgynghoriad yn yr haf.	Trefnu cyfarfod i'r Cyfarwyddwyr Cyflwyno Cynllun Strategol drafft i'r Bwrdd	Ar unwaith 25 Mehefin 2019
14. Grantiau pynciol (Eitem 16)	14.1 Cyflwynodd Dr Dylan Phillips argymhellion ar ddyfarnu grantiau pynciol a grantiau sbarduno. 14.2 Nodwyd cymeradwyaeth yr Archwilwyr Mewnol ar y broses grantiau pynciol. 14.3 Yn dilyn trafodaeth derbyniwyd yr argymhellion yn unfrydol. 14.4 Nodwyd hefyd, er gwybodaeth, y Grantiau Sbarduno sydd i'w dyrannu yn 2019/20 yn dilyn ymchwil penodol a gomisiynwyd gan y Coleg ar feysydd lle mae niferoedd		

	myfyrwyr cyfrwng Cymraeg ond dim darpariaeth ar hyn o bryd.		
15. Cyflwyniad ar adnoddau	15.1 Rhoddwyd cyflwyniad ar adnoddau gan Mari Fflur, Rheolwr Academaidd. Croesawyd y cyflwyniad a gododd ymwybyddiaeth ymysg aelodau'r Bwrdd.		
16. Dyddiad a lleoliad y cyfarfod nesaf	<p>16.1 Nodwyd dyddiad y cyfarfod nesaf:</p> <ul style="list-style-type: none"> • 25 Mehefin 2019, Aberystwyth <p>16.2 Estynnwyd gwahoddiad i'r aelodau i noson wobrwyo'r Darlithwyr Cysylltiol a fydd yn dilyn y cyfarfod.</p> <p>16.3 Diolchwyd i'r cyfieithwyr ar y pryd am eu gwaith.</p> <p>16.4 Diolchwyd i staff Prifysgol Bangor am eu cymorth gyda threfnu'r cyfarfod.</p>		